

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Eyn schrifft Phi=lippi Melanchthon widder die arti=kel  
der Bawr=schafft.**

**Melanchthon, Philipp**

**[Wittenberg], [1525]**

**VD16 M 4205**

Auff den dritten. Von leybeygenschafft.

[urn:nbn:de:bsz:31-64676](https://nbn-resolving.org/urn:nbn:de:bsz:31-64676)



gent seyn/ er kan sich Saxischer recht / oder Romischer recht yn Brauch vnd teylung der gutter halten/ Solch ding irret als den glawben nicht/ Ja das Euangelium foddert das man solche weltliche ordnungen vmb fridens willen halte. Paul. ad Ephe. 6. Ir leybeygne seyt erorn leyblicher hern gehorsam/ mit forcht vnd zittern mitt willigen hertzen/ als Christo/ nicht mit dienst alleyn fur augen / als den menschen zu gefallen/ sonder als diener Christi / vnd thuet solchen willen gottes von hertzen/ freuntlich 2c. Vnd ad Coloss. 3. Ihr leybeygne seyt gehorsam yn allen dingen erorn leyblichen hern 2c. Wer vnrecht thuet wirt empfangen was er vnrecht than hatt. Also ist Joseph selb eyn leybeygner in Aegypto langezeyt gewesen / vnd andere heyligen vil.

Darumb hat das zu mütten der Barorn keyn scheyn/ Ja es wer von nötten / das eyn solch wild ungezogen volck/ als teutschen sind / noch weniger freyheyt hette / dann es hat. Joseph hatt Aegypten hart beschwert/ das dem volck der zam nicht zu weyt gelassen wurde. Aber vnser herrschafft gestatten dem volck allen müttwillen / nehmen nur gelt von yhn / da neben halten sie es yn keyner zucht / daraus volgt grosser vnradt.

## Auff den vierden.

Von Jagen.

Vnrecht ist/ iagen ynn der Fürsten welt/ denn auch Römische recht leeren/ das eyner mog verbieten/ das man yhm ynn das seyn nicht gehe/ Das die Barorn aber sagen Gott hab es frey geschaffen/ soll da bey stehen/ das ieder des seynen/ andern on schaden gebrauch.

Auch sollen die Fürsten mit dem gewild niemant schaden thuon/ wie man das ordnen möcht/ oder zu geben das eyner auff dem seynen vellen möcht.